



老子道真經妄言

老子道真經妄言

石川郡高尾山  
護妙安堂

□ 13  
3034  
2



門口 18  
號 3034  
卷 2

老子道德經妄言下篇

海內

長門 豐懷 子玉 註

常陽 西履霜子堅

北總 鐘胤永君年 同校

南總 中惟長子敬

第三十八

此章上德不德是以有德以釋前章無為而無不為然此章諸

家註解率解其言而不解其意妄為之說，是則所以令老子之言為異端而不  
用于世之階也余以此為憾者久矣因今詳辨之

上德不德是以有德下德不失德是以無德上

老子妄言

下篇

一

加州 津國屋平八

德無為而無以為下德為之而有以為上德是通  
 章之綱上仁上義上禮即上德中之目 ○ 德者得也得全於道也  
 上義上禮之上皆做此上德即聖人也夫上德  
 之人不勉而中不思而得與道進退是所謂無  
 為而無不為者也故曰上德不德是以有德又  
 曰上德無為而無以爲也下者下德是也夫下德謂  
 其似德而非德者所謂鄉原是也夫下德之人  
 居則似忠信行則似廉潔矯飾以惑人此乃德  
 之賊者也故曰下德不失德是謂之無德又曰下  
 德為之而有以為是則恥之辭而惡之至  
 也孔子曰惡似而非者惡之也亂苗也惡之傳  
 恐其亂義也惡似而非者惡之也亂苗也惡之傳  
 亂德也又曰鄉原德之賊也由此觀之孔子上  
 其言雖殊其意則一也豈可謂之異端哉  
 仁為之而無以為上義為之而有以為也仁者人

人之所以為人之理也義者宜也言擇所宜而  
 處之也為之者就跡而言也按古者大道之行  
 人各率其性而已則孝悌忠信無跡之可見焉  
 既無跡則亦無名之所從起也及大道既隱百  
 姓好徑則姦謀於是乎興亂賊於是乎作當是  
 之時獨有若堯舜者惟道是從則民仰其德稱  
 之為聖而見其跡之在仁則名之為為仁見  
 其在義則名之為為義故曰為之也無以為  
 者因仁之跡無所偏私而言之也有一端之跡耳若  
 其體真之人孝則孝忠則忠無為而忠猶渴而飲  
 而食忘孝而孝忘忠而忠無為而忠猶渴而飲  
 無擇而能當其所擇無往而不自得焉然今就  
 其跡之一端而言者蓋有微意焉何為然今就  
 仁上義之謂哉愚謂冒頭既舉上下德以對上德  
 以起褒貶之例於此唯言上仁上義上禮則亦  
 其貶黜下仁下義下禮之意自在言外矣若夫  
 下仁下義下禮則仁義禮之賊而假其跡即亂

其真者也此亦老子之所惡而所謂似而非也蓋老子其不言下仁下義下禮而因上仁上義上禮而立言者實惡下假其跡而偽焉者上甚而非惡其真之謂也讀者不可以不察焉上禮此下蓋有為之而有為之而莫之應則攘臂而扔之蓋引也禮孟子曰禮之實節文此二者亦就跡而言說悉於上有以為者既曰禮之實節文此二者則其意有所制矣故有以為也然上禮漸降不能處所謂禮之實唯以外飾為禮人應則喜不應則怒遂以為譴責之具焉故謂之上德下禮為之而莫之應則攘臂而扔之也章首之意次以義有以為對上仁無以義下禮禮亦有以為之意於此言攘臂而扔之以明下外微詞也古文省力奇妙可見諸註家未嘗能

察此意直因其言而為解則亦不能不仁義也故王弼註上仁曰本在無為母在無名棄本捨母而適其子功雖大焉必有不濟名雖美焉偽亦必生近世物茂卿中庸解云老子之徒動言天言性而譏聖人之道為偽也蓋物氏因王說而妄發此言也凡老子五千言之意未嘗有以聖人之道為偽者也但經中往往有其似也若如王說則物氏之言亦不得謂之妄也又希逸曰老子之言仁義禮其字義皆與孔孟不同就其書而求其意可矣此亦大謬矣其義果與孔孟不同則謂之異端亦不誣也因此觀之若物氏之非老子則非物氏之罪故失道而後德失德而後仁失仁而後義失義而後禮此亦就區別以言流弊之所至也夫德之為言得也何以得德由乎道也故失道而後德德則無為而

無不為而後有仁焉則有愛之跡是德之衰也  
 故失德而後仁則無所偏私而後義義則處事  
 有所擇是仁之衰也故失仁而後義義則處事  
 之宜而且禮焉則猶理其亂是義之衰也故  
 失義而後禮者忠信之薄而亂之首也  
 禮也夫禮之實節文仁義而為之所成已成  
 物之術也而老子何謂之忠信之薄而亂之首  
 乎今有若矯激之言者悲時勢流弊之至也蓋  
 老子之時道微俗薄而徒知揖讓疾趨之為禮  
 而不知揖讓疾趨之所以為禮也故進有盟會  
 之好禮以修之則退有襲取之謀兵以從之春  
 秋則其事也豈非忠信之薄而亂之首乎故所  
 云禮者即下禮而非上禮之謂也夫上禮之於  
 上德也猶影隨形響應聲未始有相離也故孔  
 子謂之從心所欲不踰矩孟子謂之動容周旋  
 中禮者盛德之至也觀者  
 勿以其言而害其意焉  
 前識者道之華而愚

之始也  
韓非子曰先物行先理動之謂前識此

自以為智者之謂前識言偏執古言而應事則  
知識前定而事業從之此所謂膠柱而鼓瑟也

惡能得應變哉故曰是以大丈夫  
韓非子曰大

智之也處其厚不居其薄處其實不居其華故去  
彼取此厚與道之實即上德之所處以收章首

上德二字而總括通  
章照應細讀方知

第三十九 此章侯王得一以為天

昔之得一者  
一者先天一氣上文 天得一以清  
 地得一以寧  
所謂抱一之氣是也 神得一以靈  
 谷得一以盈  
所謂抱一之氣是也 萬物得一以生

一以生已上數句侯王得一以為天下負此一句為

其致之一也各得其一致此天無以清將恐

裂地無以寧將恐發神無以靈將恐歇谷無以

盈將恐竭萬物無以生將恐滅侯王無以負

而貴高將恐蹙故貴以賤為本高以下為基是

以侯王自稱孤寡不穀此以賤為本耶非乎故

致數車無車不欲碌碌如玉落落如石此言得

天下負者即前章所謂上德之人也夫上德之於天下其意無所分別貴賤高下皆通為一貴而忘貴高而忘高其何蹙之有既通為一賤則貴本下則高基此孤寡不穀之所以為侯王之

稱也車之為物輪輻蓋軫會為之名而數其名件除之則無復車之為車者矣於是乎輪輻蓋軫孰貴孰賤哉是乃體真之所觀而不

欲碌碌落落若玉石貴賤不相通也

第四十 有以釋昔之物生於

反者道之動其根故曰反者道之動弱者道

之用大道汎兮其可左右萬物恃之天下之物

生於有前章所謂一頭道之用即有生於無指無者

之體有發於體也道體本非無也本經云有

也然經中往往言無者其意必對可見可聞之

有而姑謂之無耳讀者須注意焉

第四十一

此章道隱無名以降以釋前章有生於無之義

上士聞道勤而行之中士聞道若存若亡下士

聞道大笑之不笑不足以爲道夫道可傳而不可受可得而不

可見故惟上士聞之斯能行之中士猶且信且疑况於下士而能不笑乎不爲下士所笑亦不足

道也故建言有之建言古人之言也明道若昧進

道若退夷道若類上德若谷大白若辱廣德若

不足建德若偷質真若渝大方無隅大器魁成

大音希聲大象無形建言止此道隱無名夫唯道善

貸且成此二句以明建言之旨併及下士之所

跡故徒見其貸而成之若昧若退則以爲實退而不知其真則隱于無名此其所以笑也

第四十二

此章自首至冲氣以爲和以釋道隱無名而善貸且成

道生一自無而有上章所謂一生二分陰陽二生

三陰陽交三生萬物和氣聚而萬物負陰而抱

陽冲氣以爲和天地萬物以爲母故聖人既

守其人之所惡惟孤寡不穀而王公以爲稱故

物或損之而益或益之而損人之所教我亦義

教之強梁者不得其死吾將以爲教父易云天

而益謙地好謙故王公自稱孤寡不穀而人必

老子下篇

下

貴之故曰物或損之而益也益之而損句兼上  
起下言人或惡處卑謙而好為強梁強梁則必  
不得其死也夫強梁之不其死也此亦所以  
懲警人而不異於我之教人不當為強梁之義  
則吾將以其強梁為教父也  
故人之所教我亦義教之云

第四十三

此章釋下強梁者  
不得其死之義

天下之至柔馳騁天下之至堅無有入無間吾

是以知無為之有益不言之教無為之益天下

希及之

蕪子由云以堅御堅不折則碎以柔御  
是也亦有入有捍不相受以無入有無未嘗勞  
有未嘗覺求之於物則鬼神是也是以聖人唯  
能無為故能役使  
衆強出入群有

第四十四

此章知足以降以  
釋知無為之有益

名與身孰親

比身於名則身親矣以其所親之  
身與貨孰多謂也以其易得之貨而誤其難得

之身不得與也孰病

比身於病則病矣無他病矣其以  
亦惑乎為窮故耳此句收冒  
以名貨二字而起下文

藏必厚

此自然之理  
知足不辱藏句知止不殆應  
其甚愛必大費多

愛可以長久

果其以止為病則莫若知足知止  
不愛不藏其何費也  
有斯乃長久之術也

第四十五

此章大成若缺以釋知止  
大盈若冲以釋知足句



大成若缺其用不弊大盈若冲其用不窮止於

讓功於能者其跡則若缺而其用不弊故曰大成足於無欲委貨於天下其跡則若冲而其用

不窮故曰大盈大直若屈大巧若拙大辯若訥莊子云

天下者知雖落天不自慮也辯雖彫萬物不自說也能雖窮海內不自為也天不產而萬物

化地不長而萬物有躁勝寒靜勝熱清靜為天帝王無為而天下功

下正無為無欲之謂清靜言觀于躁之勝寒靜

亦可知矣故上必無為而用天下則下必有為為天下用此乃所以君君臣臣也故曰清靜為

正天下

第四十六此章天下有道以釋清靜知足之足常足矣以釋大成大盈

天下有道却走馬以糞天下無道戎馬生於郊

糞治田也郊言其近也韓非子曰天下有道無急患則曰靜遠傳不用故曰却走馬以糞天下

無道攻擊不休相守數年不已甲冑生於燕雀處帷幄而兵不歸故曰戎馬生於郊罪

莫大於可欲禍莫大於不知足咎莫大於欲得

故知足之足常足矣

第四十七此章自首至其知彌少以釋知足之足常足之意

不出戶知天下不窺牖見天道其出彌遠其知

彌少是以聖人不行而知不見而名不為而成

淮南子云夫主人主之聽治也清明而不闇虛心而弱志是以群臣輻湊並進無愚智賢不肖莫

不盡其能故人主深居隱處以避燥溼閉門重  
襲以避姦賊內不知閭里之情外不知山澤之  
形惟幕之外目不能見十里之前耳不能聞百  
步之外天下之物無不通者其灌輸之者大而  
斟酌之者衆也是故不出戶而知天下不足有也  
而用其心則獨  
身不能保也

第四十八

此章自首至無不為矣以釋前章

為學日益為道日損此云為學者謂徒務遵豆  
所謂小人儒是也日益者謂日益為道者  
謂能盡其性又能盡人之性者乃所謂君子儒  
是也日損者謂日損為也言若夫小人之於學  
或殉名或殉利日求所以為人之役者故曰日  
益也君子則不然善與人同舍己從人日樂取  
於人以為善故曰日損也下面無為之為及照

益字損之又損以至於無為無為而無不為矣

夫君子之於天下也舍己從人取於人以為善  
則自得其人若臯陶稷契而孝悌之教不言而  
行乎治之功不為而成此故取天下者常以無  
事及其有事不足以取天下取者謂得也

第四十九

此章釋前章無為而無不為以降

聖人無常心以百姓心為心因百姓之好惡而  
善者吾善之不善者吾亦善之得善矣信者吾  
信之不信者吾亦信之得信矣其所以無心待之  
其名廢其實哉聖人之在天下歛歛為天下混

其心無分百姓皆注其耳目聖人皆孩之譬如

鏡之照物一以應之或美或惡未嘗不入於

鏡亦未嘗染於鏡也孩嬰兒之無知識者

第五十此章釋前章聖人

出生入死生之徒十有三死之徒十有三

人始於生而卒於死始之謂出卒之謂入故曰

具也四肢與九竅十有三者十有三者之動靜

盡屬於生焉屬之謂徒也故曰生之徒也十有

死之徒亦十有三故曰生之徒十有三死之徒

十有民之生動之死地亦十有三夫何故以其

生生之厚厭沒於欲喪心於物之謂之死地也

用謂之生之徒十有三屬之於死則其用亦自

歇謂之死之徒十有三也然今厭沒於欲喪心

於物則十有三者亦各失其節以至於視而不

見聽而不聞食而不知其味也此與夫死之徒

不異則謂之民之生動也蓋聞善攝生者陸行不

遇兕虎入軍不避甲兵兕無所投其角虎無所

措其爪兵無所容其刃夫何故以其無死地焉

夫善攝生者全神於內忘物於外惟道是從則

不設備而必無害故陸行不遇兕虎入軍不避

甲兵

第五十一此章玄德以

道生之德畜之物形之勢成之是以萬物莫不

尊道而貴德道之尊德之貴夫莫之命而常自  
然故道生之德畜之長之育之成之熟之養之  
覆之生而不有為而不恃長而不宰是謂玄德

此章亦贊道之妙用以明玄德也。蘓子由曰道者萬物之母故生萬物者道也。及其運而為德則不能自形。因物而後形見。物則不能自成。遠近相取。剛柔相交。積而為勢。而後興。治亂之變成矣。形雖由物成。雖由勢而非道不生。非德不畜。是以尊道而貴德也。

第五十二

此章所謂既知其子復守其母此乃玄德之事也。

天下有始無名始地之始以為天下母有名既得其

母以知其子御今之道以既知其子復守其母

沒身不殆何殆之有塞其兌閉其門終身不勤

兌悅也所謂可欲之心是也。門者耳目鼻口。韓子所謂空竅者。神明之戶牖是也。言塞其兌則外境不入。閉其門則內境不出。即開其兌濟其冒頭。知子守母之術也。勤勞也。

事終身不救孰能救之見小曰明守柔曰強則小

難見見難見故曰明柔用其光復歸其明。明者則難守守難守故曰強。用其光復歸其明。明者則難守守難守故曰強。用其光復歸其明。明者

習常知子守母是即無遺身殃是謂

第五十三

章首二句以釋既知其子復守其母

使我介然有知行於大道唯施是畏介然微小人

之於治以無為足矣然介然微小之知大道甚

夷而民好徑為迂遠舍而不由好取邪徑以求

其捷中庸云君子居易以俟命朝甚除田甚蕪

倉甚虛此三句兼上四句朝甚除謂以知治國

不足所謂其民缺缺是也夫上之所為下隨效

趨未故田則荒蕪倉則空服文采帶利劍厭飲

食貨資有餘是謂盜竽非道也哉淫侈為俗則

是上導民為盜也故曰不貴難得之貨使民不為盜

則鐘瑟皆隨竽唱則諸樂皆和今大女作則俗

之民唱俗之民唱則小盜必和故服文采帶利

劍厭飲食而貨資有餘者是謂盜竽矣盜竽言盜之首也

第五十四此章善建善抱二句以釋

善建者不拔善抱者不脫子孫以祭祀不輟有

以建者必有拔焉有以抱者必有脫焉而曰善

建者不拔善抱者不脫何也夫善建善抱者無

而脫之是則守道之固而立德之遠也此其子

孫之所以祭脩之身其德乃真脩之家其德乃

以國觀國以天下觀天下吾何以知天下之然哉此善建之德善抱之道脩之於身則舉動皆真今以其真比觀以至於天下則亦足以知天下之然也

第五十五 此章含德之厚 釋善建善抱

含德之厚比於赤子毒蟲不螫猛獸不據攫鳥不搏我忘於物物亦忘我骨弱筋柔而握固未知牝牡之合而駿作陰也赤子精之至也終日號而不嗷和之至也任自然而無所拒之謂和知和曰常己上以赤子明含德之厚知和曰常不爭不拒所遇皆和曰常也知常曰明道常無形不可得適故知和曰常也

之故知常 益生曰祥益生者營外也營外必傷曰明也益生曰祥內故益生曰祥也漢志云妖孽自外來曰祥心使氣曰強謂心與物鬪則氣隨動是謂心使氣強者守勝之謂物壯則老此徵強之害謂之不道不道早已不能也

第五十六 此章釋含德之厚

知者不言言者不知塞其兌閉其門挫其銳解其紛和其光同其塵是謂玄同同而不流故曰玄也此下數句即玄同之形容不可得而親不可得而疎不可得而利不可得而害不可得而貴不可得而賤故為天下貴舊說云塞兌閉門已見五十二章然彼則約道清靜以塞嗜欲愛悅之端此則宗道

無言以興損聰以論功此則就人以明行四句已見四

第五十七

此章以無事取天下

以正治國以奇用兵是客意以無事取天下

為吾何以知其然哉以此天下多忌諱

而民彌貧民多利器民俗以機器國家滋昏民多

技巧奇物滋起法令滋彰盜賊多有有事之故

聖人云我無為而民自化我好靜而民自正我

無事而民自富我無欲而民自樸

第五十八

此章是以聖人以降

其政悶悶其民醇醇我無欲而其政察察其民

缺缺法令滋彰禍兮福之所倚福兮禍之所伏

孰知其極魏徵曰夫福因禍而生人遭禍而能

曰禍兮福之所倚福兮禍之所伏禍去則福來故

相生無知其窮極時其無正邪正復為奇善復

為妖禍福之無常猶正奇民之迷韓非子云凡

者之謂迷其日固已久矣民之迷也是以聖人

方而不割廉而不劌直而不肆光而不耀此數

章首其政悶悶之意併釋

第五十九

此章治人事天莫若嗇以

治人事天莫若嗇

謂迫而後動不得已而後起之

後起者不與物逆惟理是服故無天災無鬼夫

唯嗇是謂早服

夫唯嗇是以能服從於道理而

早服也服從也

謂早服謂之重積德者無適無

莫安於所在欣然自得是則日重積德則無不

克積德若是其廣則其功亦無不克則莫知其

其極積德之廣致功之大孰知其極莫知其極

可以有國有國之母可以長久

即嗇者

也。有國之功德原出於嗇。故曰有國之母也。夫唯嗇者其神純粹其魂不罷乃與天地合無為之德。故曰可謂深根固柢長生久視之道。以長久也。

第六十

此章治大國若烹小鮮以釋莫若

治大國若烹小鮮。治大國而數變法則賊其澤。

以道蒞天下。各安其自。然其鬼不神。非其鬼

不神。其神不傷人。於鬼神為崇之謂鬼傷人也。人

安其自。然不為福。先不為禍。先則鬼亦無所。用

其神矣。是非其鬼之。不神亦。有神而不傷人也。

非其神不傷人。聖人亦不傷。由鬼神之不傷人。原

也。故曰非其神不傷。夫兩不相傷。故德交歸焉。



人各安於己分不敢瀆於鬼神則鬼神亦何崇之為故曰兩不相傷也不崇之神不瀆之人其德皆歸於聖人故曰德交歸焉也

第六十一

此章大國者下流以釋若烹小鮮

大國者下流王弼曰江海居大而處下則百川

之故曰大天下之交天下所歸會也天下之牝牝求物自

歸牝常以靜勝牡以靜為下以其靜故能為下也牝雌也雄躁動

貪欲雌常以靜故能勝雄也以其靜故能為下也故大國以下小

國則取小國附小國小國以下大國則取大國大國

之納故或下以取或下而取後言唯脩卑下然大國

不過欲兼畜人小國不過欲入事人夫兩者各

得其所欲大者宜為下小國修下自全而已不

其所則天下歸之故曰各得其下則天下歸之大國修

第六十二

此章道者萬物之寶不善人之所保以釋前章

道者萬物之寶室西南隅為與善人之寶不善人之所

保凡物之見於外者皆其門堂也道之在物譬

其與而寶以為用不善人雖美言可以市尊行

可以加人人之不善何棄之有美言尊行以市

於善矣人之於道求以得有罪故立天子置三

以兔則雖不善人又何棄之哉

公欲使教化也。雖有拱壁以先駟馬。此即駟三列之禮也。古列女傳云楚王聞於陵子終賢欲以爲相使使者持金百鎰往聘之。子終入謂妻曰王欲以我爲相。今日爲相明日結駟連騎食方大於前。可乎。是也。舊註以春秋傳所云以乘韋先中牛十二爲說。恐不如坐進此道。雖有王侯之勢尊苟無其非。故曰不如坐進此道。德不能自威己又惡成物。坐進此道也。如古之所以貴此道者何也不曰求以得有罪以免邪。故爲天下貴。

第六十三

此章爲無爲事無事。味無味。以釋前章。無事。味無味。以釋前章。

爲無爲事無事。味無味。此三句是通章之綱。大小以少爲爲無。多少以少爲多。所報怨以德。以味無味也。

圖難於其易。爲大於其細。天下難事必作於易。

天下大事必作於細。是以聖人終不爲大。故能

成其大。夫輕諾必寡信。多易必多難。是以聖人

猶難之。故終無難矣。圖難以下數句以擴爲無之意。自在言外。爲無爲事。無事本出於味無味矣。

第六十四

此章申明前章之義。

其安易持。其未兆易謀。其脆易破。其微易

散。釋事。爲之於未有。此句應其治之於未亂。此二句。

應其脆。合抱之木生於毫末。九層之臺起於累

土千里之行始於足下。天下難事必作於易。天

聖人圖難於其細。易為大於其細。為者敗之執者失之是以聖人

無為故無敗無執故無失民之從事常於幾成

敗之慎終如始則無敗事是以聖人欲不欲不

貴難得之貨。不貴難得之貨是欲不學復眾

人之所過以輔萬物之自然而不敢為。輔萬物

而不敢為是學眾人之所不學也

第六十五

此章釋前章欲不欲以降

古之善為道者非以明民將以愚之。淳樸之謂愚民

之難治以其智多。謂巧偽之以智治國國之賊。其政

察察其民缺缺不以智治國國之福。其政悶悶知此兩

者亦替式。王弼曰替同也今古能知替式是謂

玄德玄德深矣遠矣與物反矣。欲不欲乃至於

大順。輔萬物之自然而不敢為故曰至於大順

第六十六

此章釋前章玄德以降

江海所以能為百谷王者以其善下之故能為

百谷王。地道變盈而流謙是以聖人欲上民必以言下

之。寡不自稱孤欲先民必以身後之。人道惡盈是以

聖人處上而民不重處前而民不害是以天下樂推而不厭以其不爭故天下莫能與之爭

第六十七

此章三寶以釋前章

天下皆謂我道大似不肖夫唯大故似不肖若肖久矣其細也夫夫唯與物不似是以大矣我有三寶寶而持之一曰慈二曰儉三曰不敢為天下先慈故

能勇儉故能廣不敢為天下先故能成器長天

樂推而不厭故能為成器長也今舍慈且勇舍儉且廣舍後且

先死矣死字正釋舍慈且勇夫慈以戰則勝以

守則固天將救之以慈衛之慈字併結三寶此章省法須注意焉

第六十八

此章釋前章慈以戰以降

善為士者不武王弼曰士卒之帥也善戰者不怒

後而不先應而善勝敵者不與爭也善用人者

為之下是謂不爭之德是謂用人之力是謂配

天無為妙用可以配天古之極

第六十九

此章假兵家言以釋前章

用兵有言古兵家有此言吾不敢為主而為客不得己而應之

不敢進寸而退尺無意於爭是謂行無行謂行陳也攘無

臂。仍無敵。執無兵。此皆由於不爭之德。○兵家言蓋止此。已下皆老子警辭。

禍莫大於輕敵。輕敵幾喪吾寶。舍慈而勇。禍之所從來也。

抗兵相加。哀者勝矣。天將救之。以慈衛之。

第七十 此章全因前章而立言。

吾言甚易知。甚易行。天下莫能知。莫能行。言有

宗。事有君。夫唯無知。是以不我知。知我者希。則

我貴矣。此言吾言甚易知。甚易行者。其言乃與前章所謂兵家言義幾相似矣。夫兵家

言人或能知焉。或能行焉。則吾言亦可以易知。亦可以易行矣。然至吾言。天下莫能知。莫能行。

者無他。其言有宗。其事有君。故耳。是以不我知。則我貴云。宗。即萬物之祖。君。即萬物之主也。俱

損道。被褐懷玉。一喻以結。知我者希。則我貴之意。

第七十一 此章亦因前章而立言。

知者即前章所謂知吾言也。不知者即前章所謂不知吾言也。知者。即前章所謂知吾言也。不知者。即前章所謂不知吾言也。

不知者。即前章所謂不知吾言也。不知者。即前章所謂不知吾言也。

夫唯病病。是以不病。知者。即前章所謂知吾言也。不知者。即前章所謂不知吾言也。

聖人不病。以其病病。是以不病。

第七十二 此章是以聖人降以釋不知不知。

民不畏威。大威至矣。人至也。大威至矣。則大無

狹其所居。無厭其所生。其所遇為命。而不施心於其間也。此二句即畏威

事之夫唯不厭是以不厭天亦不厭是以聖人自知不自見自愛不自貴皆是知不故去彼取此於

第七十三

此章釋民不畏威，大威至矣。

勇於敢則殺天必害之勇於不敢則活天必利之此兩者

或利或害天之所惡孰知其故是以聖人猶難

之不測天意聖人猶以為難知焉故居寵思危固不惟畏此其所以下勇於不敢而祈天永命也

天之道不爭而善勝不言而善應不召而自

來坦然而善謀天網恢恢疎而不失

第七十四

此章申明前章之意

民不畏死奈何以死懼之慢則民侮焉若使

民常畏死而為奇者王弼曰詭異亂吾得執而

殺之孰敢常有司殺者殺天網恢恢疎而不失夫代司殺

者殺是謂代大匠斲夫代大匠斲者希有不傷

其手矣若舜之誅四凶周公之討三監未必傷其手也故曰希也故有大匠手而斲者

亦宜代大匠焉

第七十五

此章民之輕死以降以釋前章

民之饑以其上食稅之多是以饑民之難治以

其上之有為是以難治民之輕死以其上求生

之厚是以輕死王弼曰民之所以僻治之所由亂皆由上不由其下也民從上也  
也夫唯無以生為者是賢於貴生此論三事以末一事作法

第七十六

此章釋民之輕死以降

人之生也柔弱其死也堅強萬物草木之生也柔脆其死也枯槁故堅強者死之徒柔弱者生之徒是以兵強則不勝木強則折強大處下柔弱處上通章泛言物理以見道在柔弱前章所謂求生之厚即是堅強者無以生為即  
是柔弱者也

第七十七

此章天之道損有餘而補不足以釋前章

天之道其猶張弓乎高者抑之下者舉之有餘者損之不足者補之而舉所下之強屈有餘之  
引而伸不足之弦也故以喻天之道天之道損有餘而補不足人之道則不然損不足以奉有餘孰能有餘以奉天下唯有道者是以聖人為而不恃功成而不處其不欲見賢

第七十八

此章受國之垢以降以釋天之道損有餘而補不足

天下莫柔弱於水而攻堅強者莫之能勝其無以易之呂曰天下之物唯水為能因物之曲直方圓而從之則是柔弱莫過于水也而

流大物轉大石穿穴陵谷浮載天地唯水為能  
 則是攻堅強者無以先之也所以然者以其雖  
 曲折萬變而終不失其所弱之勝強柔之勝剛  
 以為水是其無以易之也  
 天下莫不知莫能行故聖人云受國之垢是謂  
 社稷主受國之不祥是謂天下王正言若反  
 云受國之垢與不祥言君能引過自責代民受  
 不祥之殃如唐時火星移位蝗蟲出境皆人主  
 受不祥而有感也此實正論世人不知將曰反  
 說即此推之老子五千言大都若及其真正論  
 乎。

第七十九

此章是以聖人以降以  
 釋前章受國之垢以下

和大怨必有餘怨安可以為善

不能味無味是  
 安得為善乎

以聖人執左契而不責於人

契者一書兩札同  
 而別之左契待合

而與右契所以責取也言聖人之於天下猶左  
 契之於右契無心而應之耳恩怨取與何有於  
 哉有德司契無為而應也無德司徹徹明也通  
 也言有為天道無親常與善人

第八十

前章所云執左契者全足于內  
 而不求于外也此章即其事也

小國不敢望寡民使有什佰之器而不

大國不敢望眾民

不敢望眾民

使有什佰之器而不

用雖有什佰之器又曷有所用之哉使民重  
 死而不遠徙雖有舟輿無所乘之雖有甲兵無  
 所陳之使民復結繩而用之甘其食美其服安



其居樂其俗鄰國相望雞狗之聲相聞民至老死不相往來

第八十一

此章聖人不積以下此即大道之事與前章相呼應以結全篇

信言不美美言不信善者不辯辯者不善知者不博博者不知聖人不積既以為人已愈有既以與人已愈多天之道利而不害聖人之道為而不爭

禮運云昔者仲尼與於蜡賓事畢出遊於觀之上喟然而歎仲尼之歎蓋歎魯也言偃在側曰君子何歎孔子曰大道之行也與三代之英丘未之逮也而有志焉大道之行也天下為公選賢與能講信脩睦故人不獨親其親不獨子其子使老有所終壯有所用幼有

所長矜寡孤獨廢疾者皆有所養男有分女有歸貨惡其棄於地也不必藏於己力惡其不出於身也不必為己是故謀閉而不興盜竊亂賊而不作故外戶而不閉是謂大同

老子道德經妄言下篇終



學老。家傳。戶誦。悟  
解。之。法。有。法。約。新  
理。之。學。有。以。依。以  
殊。其。旨。有。所。主。其  
一。之。言。多。結。造。象。其  
而。之。終。始。為。一。家。近

之。不。見。其。公。隨。之。不  
見。一。是。後。皆。能。抑。其  
執。以。之。十。大。夫。不。亦。察  
有。素。上。之。有。被。福。在  
人。十。有。據。此。雅。三。十。年  
切。之。甲。之。不。心。有。為。於

心必於此。此。其。見。於。此。  
必。於。此。強。於。是。此。其。  
此。其。勤。也。此。其。主。手。  
此。其。之。終。身。不。厭。去。  
也。其。讀。此。經。者。年。不。  
過。游。見。不。獨。此。其。不。

融。之。見。不。其。其。其。其。  
於。其。此。之。此。其。其。其。  
以。其。其。其。其。其。其。  
其。國。是。其。其。其。其。其。  
策。也。

乙卯戊申冬十月

仙翁吳舟所積也於

東部括額



初聞之道路言。西溟有豐先生者。自稱被褐翁。躡蹻擔囊。漫游四方。到處不問貴賤貧富。適其意則留。不則去。苟無為庸人所羈。近頃寄跡於常陽北總之間。諄諄教授。以應於問。奇者而窺其私。虛心實腹。以為其常。而寢食於老子。蓋數十年云。惟長欽仰其風。延頸望之。

私心竊謂。吾得從此人而遊。死不恨矣。  
居歲餘。忽有一老翁。飄然過弊邑。余怪  
其狀貌奇偉。輒徒跣而自迎。而審其人。  
則豐先生是也。乃喜陳素志。請解行  
囊。於是乎。遂得朝夕高教。而與聞玄論  
矣。先是余亦好讀老子。然其為書也。恍  
惚無象。微妙難識。終俾人發河漢之感。

也。故庸劣如余。終日讀老子。實未嘗讀  
得老子也。今也始心下瞭然。殆若有所  
得然。乃每受教。切請筆其說。以布諸門  
下。門下諸子。亦懇祈焉。先生遂不得  
已。乃操觚書之。今春書始成。名之曰道  
德經。妄言也。余已蒙不棄之恩。又與有  
此盛舉。何幸其過之乎。乃抃躍之餘。固

陋不自揣。聊贅瑣言於卷末。以誌其喜之萬一云。

天明戊申春三月

門下東金中惟長謹跋



加州 津國屋平八

護妙堂所持  
二卷本

